

Sarkina Bt Mat Saad @ Shaari

From: UUM CORPORATE COMM.
Sent: Thursday, July 4, 2019 3:14 PM
To: UUM - All Staff; UUM - All Students
Subject: Kecemerlangan Sekolah Terletak Kepada Kepimpinan Berkesan Pemimpin Sekolah



UUM Corporate Comm.
Universiti Utara Malaysia

4 JULAI 2019 / 1 ZULKAEDAH 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media

Gambar oleh: Pusat Pengajian Pendidikan Dan Bahasa Moden (SEML)

KECEMERLANGAN SEKOLAH TERLETAK KEPADA KEPIMPINAN BERKESAN PEMIMPIN SEKOLAH



UUM ONLINE: "Kebijaksanaan seorang pemimpin untuk menggembelng tenaga dan minda adalah faktor kepada kecemerlangan sesebuah sekolah," kata Dekan Pusat Pengajian Pendidikan dan Bahasa Moden (SEML), Prof. Madya Dr. Fauziah Abdul Rahim pada Majlis Perasmian Bengkel Pemimpin Sekolah 2019: Kepimpinan Berkesan Merentasi Abad ke-21 anjuran Institute of Excellent Teachers and Leaders in Education (IETLE), SEML di Pusat Konvensyen, baru-baru ini.

Dr. Fauziah berkata, kepimpinan yang berkesan itu membolehkan sekolah untuk mencapai kejayaan yang disasarkan selaras dengan visi dan misi sekolah.

Menurutnya, pemimpin sekolah harus mempunyai minda yang terbuka untuk mengemas kini dan menyesuaikan diri dengan perkembangan pendidikan terkini serta sentiasa meneroka peluang dan kemungkinan yang diperlukan dalam menghadapi era abad ke-21 yang menarik dan mampu memperkasa diri, sekolah dan komuniti.

Katanya lagi, pemimpin sesebuah institusi pendidikan juga perlu berfikiran terbuka dan mempunyai minda kelas pertama supaya dapat meningkatkan pengetahuan dan kemahiran.

"Pemimpin sekolah perlu mengosongkan atau meninggalkan cara pemikiran lama, pendekatan tradisional dan perkara jumud yang dianggap sudah ketinggalan dan tidak produktif.

"Pertumbuhan minda adalah salah satu ciri penting yang harus dimiliki. Jangan sekali-kali berhenti belajar!," katanya di hadapan 115 peserta terdiri daripada pemimpin sekolah iaitu pengetua, guru besar, penolong kanan dan guru kanan seluruh negeri Kedah serta Perlis dan Pulau Pinang.

Menurutnya lagi, bengkel itu menjadi wadah kepada pemimpin sekolah untuk mendapatkan resolusi terbaik bagi menangani isu dan cabaran kepimpinan pendidikan merentasi abad ke-21, justeru pemimpin sekolah perlu berfikiran secara terbuka, perlu meneroka dan berkongsi maklumat serta pengetahuan.

"Pemimpin sekolah harus membuat pelaburan jangka pendek dan rancangan jangka panjang berdasarkan visi strategik abad ke-21.

"Selain itu, aspek pencapaian pelajar juga hendaklah dititikberatkan dengan menfokuskan kepada proses pengajaran dan pembelajaran dan situasi-situasi yang menyumbang kepada keberkesanan proses tersebut," katanya.

Mengakhiri ucapan, Dr. Fauziah berharap ilmu yang diperoleh dari bengkel tersebut akan dimanfaatkan bersama demi meningkatkan lagi prestasi sekolah dalam mendepani cabaran-cabaran abad ke-21.

Menurut Penyelaras Bengkel Pemimpin Sekolah 2019 ini, Prof Madya Dr. Siti Noor Bt. Ismail, bengkel anjuran bersama Jabatan Pendidikan Negeri Kedah itu bertujuan memberikan input kepada pemimpin sekolah tentang keperluan, ciri-ciri serta amalan terbaik pemimpin sekolah merentasi pembelajaran abad ke-21.

Sepanjang bengkel itu, peserta mengikuti sesi Isu Dan Cabaran Kepimpinan Merentasi Abad ke-21 dan sesi Teori Dan Konsep Kepimpinan Merentasi Abad ke-21; serta Kepimpinan Instruksional & Kompetensi Fungsional Guru bersama pengucaptama Dr. Ishak Sin dan Prof. Madya Dr. Siti Noor Ismail.



Please consider the environment before printing this e-mail



Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.